

書名 錦繡萬花谷前集四十卷 嘉靖十五年序錫山秦汴鑄石書堂刊本後修  
 撰者 宋 闕名 撰  
 卷 卷十八  
 內容分類 子-類書-彙考-宋  
 索書號 大木-子部-類書類-31  
 編號 C5924800

# 卷十八



彩色首頁1

東洋文化研究所漢籍目錄 編號: C5924800

東洋文化研究所漢籍目錄所藏漢籍善本文影像資料庫 索書號: 大木-子部-類書類-31  
 漢籍善本文影像資料庫文本 錦繡萬花谷前集四十卷 嘉靖十五年序錫山秦汴鑄石書堂刊本後修

版權所有: 東京大學 東洋文化研究所  
 使用上的注意事項

萬花谷前集卷之一



天  
 虎豹虎豹九關啄害下人此重虎豹九關言天門力  
 天圓如倚蓋地方如碁局天旁轉半在地上半在  
 日月本東行天西旋入于海牽之以西如蟻行磨  
 左旋蟻右行磨疾蟻遲蟻不得不西出晉天文志吳王蕃傳  
 銀界河漢水之精發而浮上宛轉隨流名曰天河  
 漢詩疏亦名銀潢謝莊月賦斜漢左界北陸南  
 銀灣出許洞詩亦曰銀浦出李賀詩  
 神異經東北大荒中有金闕高千丈上有明  
 一丈光照千里中有金階兩闕名天門出杜詩注  
 通明玉帝殿名常有紅雲捧之坡詩云侍臣鵠

錦繡萬花谷前集卷之十八

婚姻

**齊趙**

周禮地官媒氏

媒謀也謀合異類使和成者今齊人民類麤曰媒是也

**婉婉**

女子十年不出姆教婉婉聽從執麻泉治絲繭謂

言語也婉謂媚容也出記內則

**招招舟子**

匏有苦葉詩云招招舟子人涉卬不招招號

舟子舟人主濟渡者舟人之子號召當渡者猶媒人之會男女使為匹配也

**宋子河魴**

詩云豈其娶妻必宋之子豈其食魚必河之

魴

**七梅**

標有梅其實七兮標有梅其實二兮求我庶

事迨其今兮落梅在樹者三嫁娶急

**三星**詩綢繆束薪三星在天主男女時禮而成若薪待

人而後束三星在天所以嫁娶箋云三星謂心星有夫婦之象故嫁娶取以為候焉出唐國風

**白狐九尾**禹年三十未娶行塗山有白狐九尾龐龐成子家室乃都攸昌禹遂娶之呂氏春秋

**浩浩有育**齊桓公使管仲求甯戚戚應之曰浩浩乎育育乎管仲不知婢子曰詩有之浩浩者水育育者魚未有室家安召我居木魚喻人配偶甯戚有仇

**八世之後莫與宗**懿氏卜妻陳敬仲其妻占之是謂鳳凰于飛和鳴鏘鏘有媯之後將育于姜五世其昌並于正卿八世之後莫之與京京大也

**張耳游外黃**富人女甚美嫁其夫庸女去抵父客素知張耳賢乃謂女曰必欲求賢夫從張耳女聽嫁張耳史記

**九子墨**鄭衆言婚禮有合歡鈴九子墨鈴取音聲和諧墨取長生子孫通典

**鳳求凰**司馬相如琴心挑文君歌曰鳳兮鳳兮歸故鄉遨遊四海求其凰又云鳳兮鳳兮從我栖得托字尾兮永為妃玉臺新詠

**竹筥練裙**後漢逸民戴良有五女踈裳布被竹筥木履而遣之故東坡詩云竹筥與練裙隨時早婚嫁

**玄纁加璧加羊**晉志婚姻禮納徵王侯玄纁束帛加璧乘馬大夫玄纁束帛加羊天子加穀圭諸侯加大璋羊者祥也有羊漢末始也晉志

**晉武帝**為晉陵公主求婚謂王詢曰如真長子敬便足詢曰謝鯤不及真長不減子敬未幾帝崩袁松欲以女妻之詢曰卿莫近禁鬱本傳

**玉鏡臺**温嶠姑有女甚麗姑囑之嶠曰佳婿難得如嶠

比如何曰何敢希汝比數日白姑已得婿身盡不減嶠

因下玉鏡臺一枚姑大悅既婚交禮女以手披紗扇撫

掌大笑曰吾固疑是老奴果然世說

**後魏**劉昺少依博士郭瑀學有女求婚偶有心於

昺遂設一席召諸子弟曰吾有一女欲求一快女婿誰

當坐上席者昺奮衣來坐曰昺其人也遂妻之北史

**剪刀為聘**南史江祐求范雲女為婚因酒酣巾箱中取

剪刀與雲曰且以為聘雲笑而受之至祐貴雲曰昔與

與將軍為黃鵠將軍今化為鳳凰荆布之室理隔華成

因出剪刀還之祐更姻他族及祐敗妻子流離本傳

**烏羊為禮**南史孔淳之與王敬弘為方外之遊又申以

婚姻敬弘以女適淳之子遂以烏羊繫所乘車轅提壺

為禮至於盡歡共飲迄暮而歸或怪其如此荅曰固亦

農夫田父之禮也隱逸傳

**武秋之後**沈約彈王源為婚滿璋璋庶人其祖滿奮字

武秋東晉之朝無聞其子孫文選

**同系為婚**晉劉頌嫁女於陳矯矯本劉氏子與頌近親

出養於姑改姓陳劉友譏之曰姚盧陳田本同根系而

世皆為婚禮律不禁頌傳

**馬別之州**劉曄未第時娶趙晃長女早亡有二妹復欲

妻之擘曰若是武有之德不敢為姻如言禹別之州庶可從命蓋不欲七姨欲九姨故也夫人曰諺云薄餅從上揭劉郎及第豈得便揀點人家之女擘曰非敢有擇但七姨骨相寒薄遂娶九姨生七子皆大官青箱雜記

**坦腹東牀**

郗鑒使門生求女婿於王導導令就東牀遍

觀子弟門生歸謂鑒曰王氏諸少並佳然聞信至咸自矜惟一人在東牀坦腹獨若不聞鑒曰此正佳婿及訪之乃羲之也遂以女妻之後為右軍

**射孔雀目**

唐高祖嘗皇后父毅嘗謂妻曰此女有奇相

何可妄與人因畫二孔雀於屏間請婚者射二矢陰約中目則得之射者閱數十皆不合高祖最後射中各一目遂歸之帝后傳

**女坐婿鞍不經**

劉岳刪定鄭餘慶書儀又以當時傳習

所見有親迎女坐婿鞍之類尤為不經

岳傳

**牽絲得妻**

唐郭元振少美宰相張嘉貞欲納為婿曰吾

五女各有姿色令各持一絲幔前使子取便牽之得者為婦元振牽得一紅絲得第三女天寶遺事

**盧舅善筮**

盧李二生隱太白山習吐納李生不甘貧

浪迹江湖後於揚州逢盧生昔號二舅以馬來迎朱門斜開侍婢數百人一女子佐酒善筮筮容色極佳上有朱字一行雲中辨江樹天際識歸舟燕罷曰莫願作姻否其年汴州陸長源以女妻之死類盧舅善筮筮者李具言舊事女曰少年時因兄弟戲乃作夢入仙官如公所言盧肇遺事

**唐裴寬**為潤州叅軍刺史韋詵有女擇所宜歸  
登樓見人於後圃有所瘞藏訪諸吏曰叅軍裴寬居也  
詵問狀荅曰適有人以鹿為餉不敢自欺故瘞之詵歎  
異乃引為按察判官許妻以女歸語妻曰嘗求佳壻今  
得矣明日會其族使觀之寬時衣碧袴而長旣入族人  
皆笑呼為碧鶴雀詵曰愛其女必以為賢公侯妻也何  
以貌求人卒妻寬本傳

**葉題詩**唐侯繼圖微時方倚檻於大慈寺樓忽有木  
葉飄然而下有詩曰淺拭翠娥悲為鬱心中事榻管下  
庭除書成相思字後貯巾篋五六年與任氏為姻常念  
此詩任氏曰此是某作在左綿時書此爭得至此如今  
書辨之無異玉溪編事

**唐處士**侯高將嫁其女曰吾一女憐之必欲  
官人不以與凡子王適懷奇氣曰吾求婦久矣聞此  
翁可人意且聞其女賢謾謂媒姬曰吾明經及第即官  
人侯翁女幸嫁若能令侯公許我即進百金姬諾公曰  
誠官人即取文書來適計窮吐實姬曰無苦我祇得一  
卷書粗若告身者我袖以往公未必取視公望見文書  
銜袖果信不疑曰足矣以女適王氏韓王通碑

**華陽洞仙姻**南昌蕭防得第為句容簿縣有三茅宮九  
錫亭瑞芝館碧柰澗防遍遊之至玉晨觀有青童請至  
大門金書牌曰華陽洞又至一門曰藥珠殿有一人紫  
袍稱東方大夫名朔為華陽洞主謂曰公之遠祖蕭史  
真人嚮董雙成與公為婦扶侍者雲英夫人秉扇者吳

綵鸞許飛瓊接引者梁玉清衛承莊姮娥結髮麻姑合  
盃中夜梁玉清衛承莊引防至藥珠殿禮後堂見一女  
子乃舊曾見諸葛氏交拜梁玉清致辭曰華陽玉女聖  
世才郎仙凡契合如鳳求凰今日相偶和鳴鏘鏘壽筭  
天地慶衍無疆禮畢宴於藥珠殿曲終青童召改曰雙  
成夫人請君暫起防避席恍若夢覺四顧已失藥珠殿  
矣但見左右深林茂草尋玉晨觀歸縣已半山防遂休  
官入山 雲堂廣記

**立冰爲媒** 令狐策夢立冰上與冰下人語問索統統曰  
冰上爲陽冰下爲陰陰陽事也士如歸妻迨冰未泮婚  
姻事也君當爲人作媒冰泮而成婚果然 晉志  
**赤繩婚續** 唐韋固求婚次宋城南店中見老人倚布囊

而坐向月檢書覘之不識其字問之老人曰天下婚續  
耳固喜曰吾欲娶人有以潘昉女爲議者可以成乎曰  
未也君之婦適三歲因問囊中何物曰赤繩耳以繫其  
夫妻之足君之足以繫於彼矣他求何益 續玄怪錄

**雙石** 婚禮有九子蒲朱葦雙石蒲葦取其心可屈伸雙  
義在兩固

**青廬** 北方婚禮用青布幔爲屋謂之青廬於此交拜行  
禮 並酉陽雜俎

**得婿如龍** 楚國先賢傳孫雋文英與李元禮俱娶太尉  
桓玄之女人謂桓叔元兩女乘龍言得婿如龍老杜詩  
云門闌多喜色女婿近乘龍宋景文公云承家男得鳳  
擇婿女乘龍皆謂此 潘子真詩話

**種玉得婦**楊雍伯嘗設漿給行旅一日有人飲訖懷中取石子一升與之曰種此生美玉并得好婦如言種之有徐氏女極美求之徐公曰得白璧一雙即可乃於所種得璧遂娶之按神記又仙傳拾遺楊雍伯事親孝葬父母水神感之泉出墓側有飲馬者以白石一升與之令種生美玉一日有青童引至海山仙人曰汝孝於親當夫婦皆仙後徐氏有女以白璧成婚數年夫婦俱升天

太平廣記

**監中擇婿**晏元獻判南京范希文以大理寺丞丁母憂權掌西監一日晏謂范曰吾一女及笄君為我擇婿范曰監中有二舉子富臯張為善並可壻也晏曰然則孰優范曰富脩謹張踈俊晏即取富臯為壻後改名即富

鄭公也為善後亦更名方平筆錄

**羅幃**范文正公之子純仁娶婦婦將歸或傳以羅為幃慢者公聞之不悅曰吾家素清儉安得亂吾家法持至當火于庭遺事

**戚里權要**盛度錢惟演責詞云三星所構多戚里之家百兩所迎皆權要之地蓋惟演之姑嫁劉氏而其子娶丁謂也東坡志林

**女嫁三日餉食為餽**宋景文公納子婦三日子以婦家饋食物書白即曰書錯一字姑報之子扣其錯以筆塗暖字子扣當用何字父之怒聲曰從食從而從大子退

檢字書博雅中出餽字注云女嫁三日餉食為餽邵氏後錄

**岳公**歐陽永叔嘗云今人呼妻父為岳公以太山有丈



人峰又呼妻母為秦水不知出何書也據遺

**甥舅真冰玉**蘇陳甥舅真冰玉甥謂婿舅謂婦翁爾雅謂我舅者吾謂之甥

孟子曰帝館甥於二室婦翁冰清女婿王潤故云波詩

**冰叟**東坡生日子由婿王郎以詩賀坡和云竭來冰叟

**來遊宦**衛玠妻父樂廣有重名時謂婦翁冰清故云

**誠堪婿**阿巽買紅纏酒缸山谷欲與子瞻子邁伯達為婚今人

定婚多以紅纏纏酒缸山谷詩

**杜祁公**行少時客濟陽縣縣令厚遇之

令與大姓相里氏議婚相里兄弟二人其兄尤之弟曰

杜君令之重客其可違兄悵然曰姑從之俾教諸兒讀

書耳祁公未成婚登第相里之兄厚資往見公曰婚議

已定其敢違但其既出仕憂門下無教兒讀書者相里

兄大慚以歸聞見錄

**大姨夫小姨夫**歐公與王拱辰同為薛簡肅公子婿文

忠公先娶長王拱辰娶其次後文忠再娶其妹故文忠

有舊女婿為新女婿大姨夫作小姨夫之戲邵氏

**嫁女娶婦**安定胡先生遺訓嫁女必須勝吾家娶婦必

須不若吾家或問其故曰嫁勝吾家則女之事人必欽

戒娶婦不若吾家則事舅姑必執婦道曾致絳記

**四六**鳴鳳其昌已篤陳卿之舊同車彼美不違鄭忽之

嫌疊煩信紹申篤嘉盟煥然純白之儀寵以問名之禮

蘿施松柏世方昌而莫與京桃報瓊瑤物雖薄而用可

重誤蒙重言委貺嘉幣維茲息女近若而人屈元禮之

高明及承阿之小醜著姓多有顧衰宗之眇然懿親不

忌維伯氏之好也。○協比其鄰，願爲有室，種成雙玉，親結五絲，得人實邁於南容，修睦有叨於東武。○和鳴雖協於鳳，占定禮尚稽於鴈幣，問名納綵，式存先後之儀。修詞立誠，允著再三之義。○是謂鳳凰之于飛，永爲好也。實惟幣帛以將意，迨其吉兮，謂大倫之至重，諒前定之有由。是何宋子之求俯，誤阿承之擇，憂人以德，無言不酬。拜命之嘉，願珍藏於十襲，匪報爲好，實有愧於雙南。○烏絲欄之華幅，錦繡段之美貽，織女渡河，徒慶七襄之念，藍橋携杵，佇觀百兩之來。○名實缺然，門地藁爾，雖江湖橘柚之域，遠京洛衣冠之遊，顧嘗同僚，辱貺重禮，貌是孫女，逮于縱筭，某人箴易自於懷，裊芝蘭秀於庭戶，卜相宗事，當求大家，猥得附葭，葦之親，恐未勝

灑掃之職，申以盟好，不遑延邁，勉輒拜嘉，對越將命，欽仰風流，惟是婚姻之故，講脩世睦，敢申嫵婉之求，某才不及中學，未聞道猥，叨命士方，且異宮惟節，春秋莫助，蘋藻伏承，某人教承端緒，德盛幽閒，安聽行媒之傳，豈顧鄙宗之陋，謹叅穀旦躬俟玉音。山谷

孕育

**虹流華渚** 河圖云大星如虹下流華渚女節感而生少昊初學記

**電輝斗樞** 少典氏取附寶見大電光繞斗樞星照郊野感附寶孕二十月生黃帝於壽丘

**星貫月** 昌意正妃女樞瑤光之星貫月如虹感女媧生顓帝

**赤龍** 堯母慶都觀河遇赤龍感而生堯帝世說

**舜龍** 顏大口手握褒字手中有褒文

**脩巳** 見流星貫昴又吞神珠巳而生大禹

**白氣貫月** 主癸之妃內扶都見白氣貫月意感以乙日

生湯故字帝乙並帝王世說

**狼星之精** 成湯母感狼星之精又感黑龍而成

**玉雞啣珠** 漢高母池浴見玉雞啣赤珠石名玉英吞之

有孕生高祖並金櫻子

**赤龍神女** 漢景帝坐崇方閣上有丹霞起赤龍盤棟間

使王夫人居之改崇方閣為猗蘭殿旬日景帝夢神女

捧日以授王夫人夫人吞之十四月而生武帝漢武內

**畫堂** 漢元帝元后生成帝於甲館畫堂為世適皇

帝愛之漢書

**武帝** 鈞弋趙婕妤生昭帝姪十四月乃生上曰

聞堯十四月而生鈞弋亦然乃命其所生門曰堯母門

外戚傳

**五麟七鳳** 光武生赤光照室影如五麟七鳳望氣者見

春陵城郭曰佳哉鬱鬱葱葱金櫻子

**青雲如車** 魏文帝生有青雲如車蓋其上望氣者以為

貴證非人臣氣魏志

**劉元海** 父劉豹妻祈子於龍門有大魚二角躍鱗

而去其夜夢所見魚變為人把一物授其妻曰此是日

精服之生貴子自是十二月生元海載書

**陳武帝** 章后嘗遇道士以小龜遺之光彩五色及

期后生紫光照室因矢龜所在南史

**不喜蒲化**梁武帝母張后方孕忽見庭前菖蒲花光彩

非常侍者皆不見后曰嘗聞見菖蒲花者當富貴因取

吞之當日生武帝南史

**燭室**後唐太祖在姪十三月生是時虹光燭室白

氣充庭井水暴溢北窓瑣言

**睿宗宮人**初生贈太子撫武后以母賤欲不

齒以示浮屠萬回萬回詭曰此西土樹神宜兄弟后喜

乃止本傳

**肅宗**在東宮時張后忽寢厭不寤之問之

曰夢神降我介而劍決我脅而入殆不能堪燭至其文

隱然遂生代宗后妃傳

**覆明皇**在東宮時太平公主忌帝蕭良娣有姪

帝不自安密語張說曰用事者不欲吾多子奈何命說

挾劑以入帝於曲室自煮之夢若有介而戈者環鼎三

而三煮盡覆以告說說曰天命也乃止生肅宗

**腸達吳門**孫堅母姪堅夢腸出達吳閭門寢而懼告鄰

母曰安知非吉證也遂生堅吳紀注

**深愧無功**南唐時宮中嘗賜洗兒果有近臣謝表云猥

蒙寵數深愧無功李主曰此事卿安得有功坡賀洗兒

詞曰犀錢玉果利市平分霑四坐深愧無功此事如何

得到儂茗溪詩話

**無勳**元帝生子普賜羣臣殷羨謝曰臣無功猥蒙頒賚

中宗笑曰此事豈可使卿有勳世說

**產芝四十二葉** 仁宗誕降郭后榻下生靈芝四十二葉

後仁宗饗國四十二年其瑞應云 邵氏錄

**五星降庭** 孔子生之夜有二龍自天而下有二神女擎香露于空中沐浴徵在有五老列於庭則五星之精也先是有麟吐玉書於闕里人家云水精之子系衰周而素王故二龍並下遶室五星降庭徵在以繡紱系麟角及夫子將絕抱麟解紱而往 王子年拾遺

**乘鹿入胎** 老子乘白鹿入母胎既生膺額大目踈齒方口耳有三門鼻有雙柱足蹈五字手把十文 商云小說

**神光照社** 後漢應樞生四子見神光照社樞見光以問卜者曰此天符也子孫其興乎乃探得黃金自是諸子官學有名至瑒七世通顯 孝子傳

**老公子無影** 陳留有富翁年九十無子取田父女為婦一交接便生得男大男謂其母曰我父年尊無父人道一宿斯須何因有子汝小家淫佚反欲汗我種類乎爭財數年州郡不決丞相丙吉思惟良父言曾聞真人無影老公子亦無影又不耐寒可共試之時八月取同年小兒俱解裸之此兒獨啼言寒又並今日中行後獨無影人咸服 風俗通記

**赤光滿室** 石勒生時赤光滿室白氣自天屬于庭 本傳

**祈西門豹祠** 符堅母苟氏祈子於西門豹祠其夜夢與神交有孕生堅有神光白天燭其庭背有赤文隱起成字曰草符臣 漢記本傳

**吞流星桓玄温之孽** 子母馬氏嘗與同輩夜坐於月見

一流星墜銅盆水中忽如二寸火珠炯然明淨以瓢接取馬氏得而吞之遂有孕生玄晉傳

**明珠射體**西子母浣帛於溪有明珠射體感而孕又夢有翠雞五色自空而下父之化為鸚飛去府

談名

**真英物**桓玄生未暮温嶠見之曰此兒有英骨可試使啼及聞其聲曰真英物也以其為嶠所賞故名之曰温

傳本

**石榴房**元魏安德王延宗納李祖收女為妃後帝幸李宅宴而妃母薦二石榴於帝前人莫知其意祖收曰石

榴房多子王新婚其母欲子孫衆多也帝大悅收傳

**書唐太常少卿姜度**誕子李林甫手書慶之有曰

聞有弄麀之喜容視之掩口駭林

**楊貴妃**寵幸時謠曰男不封侯女作妃君看女却作門楣楊妃外傳

**徐君**宮人有孕而生卯棄於水濱有犬額

額銜卵歸其母母腹暖之遂成兒宮人聞之乃取為已子又東夷傳注云偃王有筋而無骨

**鄭文公**父有賤妾燕姑夢天使與已蘭曰以是為而子既而文公與之蘭而御之曰妾幸而有子敢徵蘭

乎左傳

**范擘**母如廁產擘額為博所傷故以博為小字

**崔慎**由鎮西川有異人曰君四十無子為公求之終南翠微寺有僧絕粒五十年君遺以服玩受之則其

嗣也果受之僧尋卒遂生子子曰縉郎即崔徵也補鄆  
**白** 吳時張承家有白鵠登雲占者曰鵠是延年  
之物從室入雲自卑升高之家嘗使子孫位極人臣名  
擅江表若生子可以名曰鵠後承生昭至輔吳將軍狂  
許合  
遠記

**索充** 夢虜脫上衣索純曰虜去上男字也君  
始當生男果然

**五代** 和現晉宰相和凝之子現生會疑入翰  
林加金紫和知貢舉凝喜曰我平生美事三者并集此子  
宜於我矣且名曰三美范蜀公蒙求

**齊田** 嬰賤妾有子名又五月五日生嬰告其母  
曰勿舉也其母竊舉之及長其母因兄弟而見其子嬰

怒曰吾令若去此子而敢生之何也文頓首因曰君所  
以不舉五月子者何故嬰曰五月子者長與戶齊將不  
利其父母文曰必受命於戶則又高其戶耳人誰至者  
嬰曰子休矣後文為孟嘗君本傳

**胡廣** 字伯始本姓黃以五月五日生惡之甕盛  
棄江中胡公見收養為己子世說

**王鳳** 以五月五日生父欲不舉曰俗諺曰舉五  
月五日子長及戶則自害否則害父母其叔父曰昔田  
文以此日生後為孟嘗君非不祥也西京雜記

**商瞿** 年老無子其母為取室孔子使之齊  
瞿女請之孔子曰無憂瞿年四十後當有五丈夫已而  
果然史記

**道士授泰子**李泰伯母初無子禱無所不至祥符二年  
夢二道士奕其基戶外往觀之其一人取局之一子授焉  
遂孕生泰伯本傳

**渡河而產**北齊竇太母有娠期而不產大懼有巫云渡  
河前裙必易生因至水所忽一人云當生貴子還家生  
泰北史

**浮磬之精**高琳母嘗被襖泗濱見一石光彩可愛遂持  
歸是夕夢人謂曰此浮磬之精若保之必生令子俄而  
有孕生琳北史

**楓生腹上**唐張志和母夢楓生腹上遂生志和本傳

**匹練升天**後漢虞升初生有物若匹練上升於天占以  
為吉後至太尉

**夢鳳集身**唐王知遠生母晝寢夢鳳集其身因有娠本傳

**天人香爐**陶弘景母夢兩天人手執香爐來至其所已

而有孕生弘景本傳又雲笈經云陶隱居初生母夢日精  
在懷二天人手執金香爐降

**靈鳳集身**南史王曇逸母晝寢夢靈鳳集身因有娠又

聞腹中啼聲僧寶誌曰生子當為神仙宗伯雜跡集

**禱軋坐山**安祿山母禱子於軋坐山虜所謂鬪戰神者

既而姪及生有光照穹廬野獸盡鳴望氣者言其祥范  
陽節度張仁原遣搜欲殺之匿而免母以神所命遂字

軋犖隨母嫁虜將安延偃遂冒姓安歸國更名祿山遂

亂天下本傳

**印綬登樓而歌**魏張奐為武威太守妻方孕夢印綬登



樓而歌與占曰夫人生男復臨此郡必死官乎及生子  
猛果為武威守自縊樓上

**充間**賈充始生父達曰後當有充間之慶故名充字公  
問本傳

**湯射**劉禹錫送張盥詩云爾生始懸弧我作坐上賓引  
筋舉湯餅祝詞天麒麟本傳

**五綵旗蓋**梁任昉母晝卧夢五綵旗蓋四角懸鈴自天  
而墜其一鈴落入懷中心悸因而有孕占曰必生才子  
遂生昉本傳

**夢長庚星**李白欲生其母夢長庚星遂生白本傳

**九鶴飛集**張九齡母夢九鶴自天而下飛集于庭遂生  
九齡九齡家傳

**白象入門**第十祖脇尊者生時父夢白象背有寶坐上  
有明珠入門乃生傳燈錄

**鳩集庭前**唐王庭湊始生有鳩數十朝集庭樹暮宿簷  
戶長駢脇歷居戎職值亂殺田洪正推為留後子孫相  
繼藩鎮一百年唐年補錄

**過產**范雲與梁武帝宿顧暠之舍暠妻方產有鬼在門  
曰此中有王有相雲起曰王當仰屬相以見歸南晉魏

舒嘗詣野王主人妻夜產俄而聞車馬聲相問曰男也  
女也男十五以兵死寢者為誰曰魏公舒後十五歲問

所生兒曰因條桑斧傷而死舒自知當為公果然本傳

**識之無字**白居易生七月能展書因指之無兩字雖試

識之無字

百數不差

本傳

**七枝秀草**西域有七枝秀草若羅漢聖人生則此草生

清淨之地第三祖和脩生時九枝秀草應時而生

傳燈錄

**懷玉山人**楊大年父文逸為唐玉山令大年將生一道

士袖刺來謁自稱懷玉山人冠褐秀爽斯須遽失公遂

生後三十七為學士晝寢於玉堂忽夢道士來謁稱懷

玉山人故出一牒閱之寫三十七字大年驚曰得非數

乎許添乎道士命筆一點為四十七字至其數果卒

王壺

清話

**玉筋食羹**邵康節母李氏其姑張氏遇之甚嚴一夕欲

自盡夢神人令以玉筋食羹一杯告曰無自盡當生佳

兒後生康節

聞見錄

**黑猿**後李夫人因山行於雲霞間見大黑猿有感遂孕

臨產時慈烏滿庭人以為瑞是生康節七歲戲於庭蟻

穴中別見天日雲氣往來也

本傳

**夢木瓜枯墮死胎女**邵康節母李夫人病瘦醫者投藥

夫人夢坐堂門左右木瓜二株右者已枯父取藥令覆

之及期生康節同墮死胎女後十餘年夫人病卧堂上

見女子拜泣曰母不察庸醫以藥毒兒可恨夫人曰命

也女子曰若命何兄獨生夫人曰汝兄獨生生乃命也

女子泣涕而去又十餘年夫人再見女子來泣曰一為

庸醫所誤二十年方得受生與母緣重故相別泣涕而

去

邵氏錄

**黃鶴樓有光**王欽若父仲華侍祖郁官鄂渚欽若母有

孕值江水暴溢亟遷黃鶴樓始免身生公時隔岸漢陽人望樓上若有光景青箱記

**武夷君化鶴**楊大年初生母章氏夢羽人自言武夷君託化既生乃一鶴雛盡室驚駭棄之江叔父曰吾聞間世之人其生必異追視之則鶴悅而嬰兒具焉體尚有毳經月乃落詩序

**夢晉禹**范祖禹母夢一丈夫被金甲至寢曰吾故漢將登禹也祖禹是日生公遂以名初學夢得溫公以傳稱登禹仲華內文明篤行淳備改字淳或配以甫故字淳甫家傳

**富獻簡公**曰王荆公之生也有糴入其室俄失所在故小字糴郎

**梅聖俞**生男前一日夢道士贈龜一枚聖俞和永叔洗兒詩云夜夢有人衣帔幌水邊授我黃龜兒明朝我婦忽在蓍乃生男子實秀眉聖俞集

**相國王公**丙申歲為譙幕值亡者數千戶公奏乞貸種粒牛糧懇訴甚切朝廷可之一夕次驛舍夢中有人召公出拜見一人紫綬象簡如牧守之儀遣一綠衣小童曰以汝有憂民之心上帝嘉之賜此童為宰相子授訖寤是夕夫人亦有祥兆而孕焉後果生一子慶之器格清粹談紫府間事祥符壬子歲謂所親曰上元夫人命我為玉童只為吾父未受相印受則吾去矣不數日公果正拜及踰月慶之卒湘山野錄

**崇寧中**大將劉法欲生其母幃帳忽墮壓而

下視之一大蛇蜿蜒毋怖甚避之他所法生再視之但見蛇蛇耳其後法爲將有賢稱帥熙河童貫俾用老弱策應遂陷邵六錄

鬱葱佳氣夜充閭始見徐卿第二雛甚欲去爲湯餅客惟愁錯寫弄麈書參軍新婦賢相敵阿大郎喜有餘我亦從來識英物試教啼看定相如東坡

錦繡萬花台前集卷之十八



東洋圖書印